

明憲宗實錄

卷八十四至一三〇
成化六年十月至十年閏六月

明憲宗純皇帝實錄卷之八十四

成化六年冬十月乙巳朔享太廟○遣內官祭司井之神○
丙午巡北字忽等遣使臣和院扭反該等來朝貢馬賜宴并衣
帽絲段表裏等物有差其回賜字忽等絲段表裏及初付扭反
該等領回給與之○夜東方流星如盞大赤色光明燭地自昂
宿東北行至井宿○丁未總督兩廣軍務右都御史韓雍等奏
斷藤峽燒賊二百餘徒夜入神電衛城燒燬電白縣治兵部覆
奏宜移文都御史總兵等官議勸賊方畧督屬整兵撲滅以安
地方從之○刑部奏罪人張元吉法當凌遲處死決不待時刑
科三覆奏有旨尚令同集令時過霜降宜從論決詔免死杖三
百徒充肅州衛軍家屬隨住於是都給事中毛弘等上言以為
刑法者所以持紀綱駕馭天下所姦究息絕盜平民情皆繫

於此不以賤而加增不以貴而加損在人臣則執之在天子則行之罰曰天罰討曰天討所以深明雖天子亦不得任意出入於其間也今罪人張元吉奪人貨財姦人妻女僭朝廷之制擅生殺之權殺無罪四十一人有一家被殺三人者具列十惡之條不戴八議之內古有一婦含冤尚足致早死四十餘命皆死無事冤鬱不伸控訴無路豈不感傷和氣而召災異乎若以襲其祖之惡鄉天師不欲加戮記曰執左道以亂政者殺不以聽元吉正係左道之流况又罪重惡極豈宜曲加寬貸且連年秋後霜決斬絞人犯多係止償一人之命者夫元吉以殺四十餘人而獲生餘皆一人之命而抵死犯絞斬者則論決犯凌遲者得不死人心不平天理安在自此以後萬一罪惡再有如元吉者又當何以處之將欲盡法使得藉口將欲寬貸則法難廢

奈何惜一異端未流而屈天下大法何以扶綱紀何以馭天下
又何以抑姦免息寇盜而平人情乎竊為朝廷惜之伏望斷以
至公處以大法仍待元吉戮之於市庶使國法昭彰神人息怒
而死者之冤可雪災沴之氣可消矣 上以事既施行已之○
戊申太子少保兵部尚書兼文淵閣大學士彭時等奏近蒙

皇上念京師米價踊貴特令於京通二倉糴糧五十萬石命下
之中人心喜悅米價頓減但奉行之人過於拘執既不許官家
之家糴買又不許市販之徒轉賣止許小民以升斗赴倉告糴
再三審辨展轉遲延街坊米舖因而收閉脂邀重價以致人愈
缺食乞仍降旨今後不拘官民市販及斗石多寡但不許停積
在家有轉賣與人者無石價銀不過七錢違者悉宜于法 上
之諭戶部臣曰朝廷發糴官糴今欲平價今已久米價尚

貴顯是委官人等處置無法今後不拘官民市販及斗位交易一體發糶若轉賣與人者許增價一錢不許停積在家及高糧價直爾戶部揭榜示之違者必治以重罪於是侍郎陳俊言京城地廣民聚待哺者衆出糶不及以致壅塞請以每城原委給事中御史主事三員分作三處督同兵馬司官糶賣及令兵馬嚴督舖戶照例市易仍行吏部借撥聽選官及辦事吏各十五員各分隨各官以任其事庶可流通無滯詔允其言○兵部奏各營額勒下馬牧馬官五軍營懷柔伯施興神機營靖遠伯王常三十營都督僉事王義喬等十二營署都督僉事劉清不以馬政爲重因肯盡心提督以致例失校護及官軍乘馬在逃者有之一遇有警必妨調用俱當懲治以稽將來 上令姑宥之○夜東方流星如彗大青白色光明燭地自關丘東行至近

濁○已酉兵科都給事中秦崇等奏漕運總兵署都督僉事楊茂參將都指揮僉事袁佑素之長才過蒙重用如今年所運官軍中途則耀正糧以售貨到京則雜他米以上倉展轉懇借餘完納遂使京師米價踊貴 皇上天地量不加譴責乃復傳旨陞茂為都督同知佑都指揮同知綸命雖頒清議未愜夫以漕運軫之守邊苦樂難易大有程度邊將年久未有無故而陞之者蓋以 祖宗成憲武職非有軍功不陞也伏望 皇上斷自宸衷收回綸命庶幾古器不致於濫濫而至下知所淬勵矣上曰朕以楊茂袁佑督勦勞特頒晉秩之命爾等何為劾奏奉高選問始宥之○巡撫廷綏左副都御史王鏡等奏九月十三日撫寧提朱永等調遣總兵官署都督僉事許寧進擊將軍孫欽等領兵征平郭波羅等堡按仗截殺遇賊迎敵轉戰二十餘

合官軍校用永等隨調本城并東西營堡兵往援之賊遁出境
兵部議先該太監傅恭等奏欲班師臣等以賊雖敗遁無猶紹
撫未可輕易退軍奏行各官議處今則果然 上曰邊方未寧
班師豈可輕易乃勒恭等令朱永王越仍在彼調度官軍相機
勦賊不可遽回傅恭顏恒劉玉劉聚先行回京○戶部會官議
巡撫漕運等官所陳事宜一鳳陽府所屬大和家城是縣各縣
里戶加增而設官如舊分理不及請增縣丞一員一運糧船隻
凡遇淤淺之處宜行漕運衙門令各該把總都指揮指揮等官
督各營糧船旗軍及當地淺夫併力挑撈淤沙疏通河洪使前
船既過後船接續而行運者究問一舊例運糧船接幫而行近
年多不接次旗軍舊許令附土物以補助正糧盤費今多以
原兌耗米盡賣輕齋置買私貨於沿途發賣以致稽遲及至來

京反實倉米補納名不足數請行漕運總兵等官各把總指揮督各營衛所船務照例後幫行其所運糧必先值載京通二倉該納正耗米數然後量帶私物違者奉問一蘇州松江常州及嘉興湖州五府輸運內府白熟梗糯米并各府部糙粳米每歲十六萬石俱官給以船今經沿途執廠鈔關必欲如民船帶執納鈔魚過水固守關又烏運軍凌逼及抵揚村等處則攬頭包攬巧肆剝削是以留滯日久困於負貸諸罷帶納之例又禁包脫之苦仍移文漕運官令軍民船皆魚貫而行其言漂流糧米以該納京倉者改納通州省脚價以補其數并集萃積壯墜墜軍營求利差俱如上平例議上從之○以水災免保定等衛子粒二萬三百一十九石有奇○以旱災免河南民田夏稅三十七萬七千七百三十九石有奇軍屯子粒八萬六百四十

五石有奇○巡撫山西右僉都御史李侃以母喪去任○辛亥
都察院左都御史李賓等言謹按憲綱監察御史務得公明廉
重老成歷練之人奏請除授不許以新進初仕人員充用今兩
京都察院各道御史缺員數多欲照天順五年本院奏准事例
通行各處布按二司王官會同彼處巡按御史南北直隸巡按
御史同談府正官將本處推官知縣內但有廉能昭著歷練老
成人物端莊語言真正年三十以上五十以下在任三年之上
係中舉及進士出身者不拘員數從公陸續推舉起送吏部覈
實分送各通問刑半年考其刑名堪任用者奏送吏部奏請除
授不堪任用者送回本部仍復原職若知而不舉及所舉不公
者皆坐以罪詔從之仍命巡撫官一體公同推舉○巡視北直
隸右都御史項忠奏今近京府縣水災民苦蕩析難官發粟賑

濟然流移道路困苦萬狀目今固可苟延旦夕若薄冬臨春青黃不接必甚於此不預為區處設有不虞雖峻法以繩傾康以救亦緩不足事請廣施糶賈之術如宋紹興五年斗米千錢時泰政孟吏戶部尚書章誼不抑價大出陳粟每升止二十五文既濟於民次年米賤令諸路以錢收糶復有贏餘載於史冊足為明驗今天津涿州具定保定等處各有大倉并水次官糧初以萬計已初戶部令各倉原委收糧官會計足支來歲夏初官軍俸糧外所除糧米豆麥俱自今年十一月始各委所在州縣官按月糶米三千石每石五錢麥錢一錢豆錢一錢五分凡有糶者止於二石至來歲三月上糧少者許於附近糧多之倉多糶以補其數凡勸借般運接濟者不在是數候麥熟米賤即以新糶銀兩之類每月准與官軍買糧自給其貧民無所糶者仍

驗口減省賑濟戶部議如其請而每石之價則視所定者各加一分制曰可○壬子命浙江都指揮同知朱堯子護都指揮食事質學子頊俱代父原職杭州前衛指揮使以堯等老疾不任事也○陞真定府知府邢蘭為浙江左叅政常州府知府卓元錫為廣東右叅政山東左叅議江批為右叅政南京大理寺左評事楊廷芳大理寺左評事宋鐫刑部主事鄭玉俱為按察司僉事廷芳貴州鍋廣東玉山西○癸丑定策伯郭登等奏營都督王瑛鮑政無改不赴教場練習軍士宜速治以為姦懶之戒上令瑛政從寬自陳瑛等俱引伏詔宥之仍奪俸三月○甲寅三法司會官審錄重囚刑部審得情真無詞者八十四人情可矜疑者二十一人有詞當拘者二人犯不孝罪父母有息詞者八人都察院情真無詞者十四人當奏請定奪者三人各

以異獄聞 上覽其情辭於情真者命減死充還軍十四人留
繫獄者十五人婦人謀故親夫適有辜命待產限滿日處決一
人除俱往擬其情可矜詎并奏請定奪者各充軍杖罪有差當
鞠者再問報○乙卯山東博興縣知縣陳文偉奏撫安流民事
具畧曰荆襄流民非若蠻貊戎狄不可以中國之治治者今嚴
兵圍城勞民費財禦之若敵國然此可暫而不可久也臣愚以
爲不必屯兵久戍不必遣將分守欲爲良圖請於南漳竹山遠
安房等縣與流民接界之處遙選天下知縣縣丞有智識知事
體曾經旌異者更易而用加以獎勵使蒞彼流民縣分設法招
集便宜處置候有成效不次陞用仍諭全有司暨覓其近縣墾
闢足其衣食使之親感興起傾心向化令守備官用心操習官
軍以展兵威則恩威並立而復易化矣且流民所恃以爲惡者

樹木叢密路途險隘也若進一里平一里之道途過一村定一村之戶籍正疆界辨阡陌使民各有分地地各有定主則將來者無地可容而自不來以獲於要地立州以總制設衛以防禦則流民之非心以格而守備官軍可革矣不然則強弱相凌流移日至徒費財勞民而終無寧息之期也疏上命戶部知之○丁巳運德州倉糧一萬一千七百八十四石於青縣賑濟饑民○戶部奏河南北直隸今歲夏秋水旱而在倉儲積先已放支恐饑饉軍民無以賑給及查順德大名廣平三府并河南衛輝府倉有餘積宜勅巡視分巡官督同本處官計其見存者量留三四年之用餘皆減價發糶附近缺糧之處許以銅錢銀布柴糶收庫事峻衛輝順德者解送保定大名廣平者解送河間收貯候來年麥熟米賤即以此准折所在官軍俸糧使自易米食

用則軍民得以接濟而儲積無朽腐之患從之○兵部奏虜酋
居河套者既遣知院扭歹該朝貢而其黨又率衆寇邊宜如總
兵官朱永等議將虜使留款大同先遣一二人運諭以朝廷威
德俾其感恩悔過率衆來朝毋稔惡不悛自取勦滅上是之
令侍虜使四日降初興之○戊午皇太后聖旦上率親王
上壽受命婦朝賀賜百官宴于午門○命都指揮僉事康凱守
備涿州○南京守備戚繼公朱儀奏江水泛溢衝塌上新河口
江岸南北共長一百三十四丈河口坍入三十五丈兩岸軍民
房屋災者四十八間事下工部覆奏移文南京工部會守備等
官勘議○已未兗山東濟南兗州東昌青州四府秋糧二十八
萬九千七百七十九石有奇草五十六萬四千六百五十束濟
南東昌下山青州左德州左五衛子粒七千三百四十五石有

奇以旱災故也○南京後軍都督楊麟熙視皇城守衛官軍杖把總指揮過泰至死守備成國公朱儀等以聞事下刑部請行南京刑部究治如律詔可○庚申夜月紀昴宿○辛酉朝鮮國王李婁遣陪臣韓致義等奉表貢馬及方物來朝賀 萬壽聖節○放國子監生五百餘人歸讀書聽取用以吏科都給事中程萬里言饑民流集京師米價騰踊而吏部聽選官及監生不下萬餘徒冗食故也○以夏秋水災免兵定有秋糧五萬一千四百八十六石有奇草八十六萬一千五百三束定州兵定神武石三衛子粒一萬二千八百七十六石有奇○選進士王瑞徐與憲黃麟李謙張以弘李憲趙良馬給事中瑞吏科與憲戶科麟禮科謙以弘兵科憲良刑科○廣西橫州知州謝琛九年秋滿命再任三年○中都留守司都指揮何俊以所部軍多欠

官馬飲指揮以下俸米得八十一石并罰操軍銀共九兩以給
欠馬者爲千戶馬瑛所奏下刑部獄坐因公科歛罪當徒贖還
職○壬戌 誠孝昭皇后忌辰 奉先殿行祭禮遣駙馬都尉
王增榮 獻陵○癸亥太僕寺少卿沈璠卒璠字廷實淮安府
山陽縣人南京戶部尚書翼之子中丁丑進士歷任吏科都給
事中陞太僕寺少卿璠守官廉慎類亦自負遷太僕寺卿殊鬱
鬱不樂踰年一夕無疾卒計開賜以祭○乙丑復除河南布政
司右參議卒衍于四川福建按察司副使應欽于湖廣○丁卯
先直隸天津等衛并梁城守禦千戶所在京義勇左等衛被水
無徵子粒二萬六千五十石有奇豆九百五十九石有奇草四
萬三千三百九十束○以旱災免荊州府江陵等七縣戶口鹽
課一萬一千三百四貫米四千九百一十九石有奇襄陽府襄